

استرجل ! | #محاضرة | د. حازم شومان

حازم شومان

السلام عليكم ورحمة الله وبركاته. يا نهار ابيض! ايه ده! السلام عليكم ورحمة الله وبركاته لا حول ولا قوة الا بالله! ايه يا عم ده يا عم!

هتدخلوا رمضان ازاي يا رجالة! المفاجأة الاولى التي نبدأ بها درس - [00:00:00](#)

الليلة بازن الله سبحانه وتعالى بعد حمد الله والصلاة والسلام على رسول الله صلى الله عليه وسلم. ان رمضان لسة عليه سبعين يوم يا

اخواني. ابشروا يا رجالة. انا مش قادر - [00:00:30](#)

تخيل والله يا جماعة. مين اللي معنا من اول الدرس ده ما بدأ؟ انتم عارفين احنا بادئين الدرس ده من امتى؟ من بعد رمضان اللي

فات. انا والله ما قادر اتخيل. يعني احنا - [00:00:40](#)

انا حاسس ان احنا مسلا بقى لنا شهرين بادئين الدرس ده بقى لنا مسلا كذا اسبوع بادئين الدرس ده من بعد رمضان اللي فات وعدي

علينا هنا موسم عشر ذي الحجة - [00:00:50](#)

اللي كانوا معنا في الموسم ده فضل ومنة الله سبحانه وتعالى كان موسم يعني مليون. فضل ومنة الله فتح من الله. اللهم لك الحمد.

وبعد كده يعني اخواني في الله - [00:01:00](#)

رمضان لسه عليه سبعين يوم. الاربع اللي بعد الجاي واحد رجب. الاربع اللي بعد الجاي واحد رجب. وكما قال من قال من السلف رجب

شهر البذر وشعبان شهر السقيا ورمضان شهر الحصاد. يعني اللي احنا هنزرعه دلوقتي هو اللي احنا هنجنه في رمضان. عشان كده

الواحد هو بيعلن - [00:01:10](#)

ان هذه المفاجأة امام نفسه وهو مصدوم بصراحة ندخل رمضان به يا جماعة. هندخل رمضان علاقتنا بالكتاب ده ايه عشان ندخل به

رمضان. رمضان شهر ايه انقاذ الامة بالزات رمضان جاي السنة دي في زروف في البلد لا يعلمها الا الله اقتصادية وسياسية واجتماعية

ومادية ونفسية - [00:01:30](#)

رمضان ده طوق نجاة نازل لنا كلنا انقاذ السنة دي. يا ترى هنعمل ايه؟ هنستعد له صح. هنرمي اساس صحفي رجب وشعبان. عشان

تقدر نعلي في رمضان باذن الله سبحانه وتعالى. عشان كده اخواني في الله يعني عايزين نتكلم النهاردة ونبدأ كده لان احنا هنبدأ بازن

الله سبحانه وتعالى. هنبدأ نستعد - [00:01:50](#)

في رمضان من اول الجمعة الجاية. بل من اول الجمعة دي بازن الله نعد نفسنا فعلا في البداية. ولكن الجمعة دي احنا هنتكلم عن يعني

علو الهمة عن علو الهمة في الطريق الى الله. عن علو الهمة في غظ السير الى الله. ومش هنلاقي نماذج تعلى همتنا بها اعلى من

اصحاب النبي عليه الصلاة والسلام - [00:02:10](#)

طب ولكن بعض جوانب بعض جوانب مش حياة اصحاب النبي عليه الصلاة والسلام في كل شيه. عايزين يا اخواني فلان اتشحن

الجمعة الجاية بازن الله ربنا احيانا هنبدأ نتكلم عن رجب وشعبان. واحد رجب الاربعاء اللي بعد القادم. يعني خلاص ايام. يعني ما

عاش غير عشر جمع على رمضان. باذن الله سبحانه وتعالى - [00:02:30](#)

ما عدش غير عشر جمع على رمضان. يعني احنا بنتعامل في وقت في غاية الحرج. اللي هيستعد السبعين يوم دول اللي للسبعين يوم

دول هو ده باذن الله اللي هيبقى فائز في رمضان. ولكن اللي هينام اللي مش هيسترجل في علاقته بالقرآن اللي مش هياخد السبعين

- [00:02:50](#)

اللي جايبين دول مسألة حياة او موت. في العلاقة بالمصحف وتجديد الايمان وقوة العبادات. للاسف الشديد يعني غالبا هيخرج من

رمضان زي كل سنة. يعني عادي جدا آآ ما تتخدعش ان رمضان بتبقى العبادة فيه سهلة. وان آآ الصلاة بتبقى ليل نهار. لان رمضان -

[00:03:10](#)

بيئة ايمان طبيعية اصلا كل الاعمال فيه جماعية. والناس مالية الجوامع وفيه تيسير رباني للعبادات. انما كله بعد رمضان بيرجع زي قبل رمضان الا اللي رمضان غيره واللي رمضان هيفغيره هو اللي رامي اساس قبل رمضان في علاقته بالقرآن وفي علاقته بالعبادة.

[00:03:30](#) - عايزين -

اتكلم عن اصحاب النبي عليه الصلاة والسلام. عايزين نتكلم عن علو الهمة. استرجل. استرجل زي اصحاب محمد. بقى لك قد ايه معنا؟

[00:03:50](#) - الالتزام -

بقى لك قد ايه في الطريق؟ بقى لك قد ايه؟ وصلت لايه؟ تدبرت في بدايات اصحاب النبي عليه الصلاة والسلام. تدبرت في

[00:04:00](#) - انطلاقات اصحاب النبي عليه الصلاة والسلام -

لقيت ان فيه اربع انواع من البطولات عايزين همتنا تتشحن الليلة بازن الله باربع انواع من البطولات عند اصحاب النبي عليه الصلاة والسلام والشحن ده كله نخرجه في علاقتنا بالقرآن. النوع الاول من بطولات اصحاب النبي صلى الله عليه وسلم. وده نوع رهيب يا

[00:04:10](#) - جماعة. ده نوع رهيب بصراحة -

يعني نوع يرتجف له القلب. نوع كلنا محتاجين نسمعه. لان هنبكي دم لو فهمناه مش لو سمعناه. مش قضية لو فهمت لو قلبك فهم

[00:04:30](#) - المعنى اللي فيه. لو قلبك فهم اللي كان في قلوبهم عشان يقدرنا يعملوه. النوع الاول من البطولات بطون -

البدايات. بطولة البدايات ازاى كانوا بيدخلوا الدين؟ الكلام ده انا بقوله لكل واحد بيدخل الالتزام. ولكل واحد دخل الالتزام ولحد

دلوقتي رجل بره ورجل جوة ولكل واحد فاكر ان بقى له سنين وللأسف الشديد لسنة مستواه يعني في الاول خالص. بطولة

[00:04:50](#) - البدايات -

النوع الثاني من البطولة بطولة الاستمرار. ما هو ممكن واحد يدخل طلقة وبعد كده ما تشوفوش. ياما يعني انا فاكر كان معنا في عشر زي الحجة اللي فاتت اخوة اخوة فرسان راحوا فين؟ والله يا اخواني وانا باصلي السنة دلوقتي خاطر ده جه في دماغي. الناس دي

[00:05:10](#) - راحت فين -

هو الناس اللي كانت مولعة الدنيا دي راحت فين؟ قلت يقينا الف حاجة مستنية كل واحد منهم بره اتخطفت. الدنيا خطفتهم من

اتخطفوا يا اخوانا. اتخطفوا زي ما احنا ياما اتخطفنا يا جماعة. ازاى ما نتخطفش! ازاى نخرج ونرجع من غير ما نتخطف -

[00:05:30](#)

بطولة الاستمرار والانطلاقات. النوع الثالث من البطولات وده بطولة عظيمة اوي. وكلنا هنتعرض لها بطولة لحظات فاصلة في الحياة.

بطولة الاختبارات الفاصلة في الحياة. يعني ايه؟ يعني كل واحد مننا هيتعرض لاختبارات فاصلة في حياته. انت طول ما انت ماشي -

[00:05:50](#)

بتختبر اه متبرجة بتختبري في معصية تعرض عليك. بتختبر كل ده اختبارات ماشي. انما فيه اختبارات فاصلة في الحياة يا ترى ايه

هي والصحابة لما اتعرضوا ليه عملوا ايه؟ والنوع الرابع من البطولات النوع المزهل بقى. الجائزة اللي كان لازم تتوج كل البطولات

[00:06:10](#) - بطولة -

طولة الخواتيم. بطولة النهايات. سبحان الله! كان يعني يعني درس نسائي صغير كده امبارح سبحان الله العظيم! وانا باتكلم فبدأت

اتكلم عن خواتيم الصحابييات. عن مودة الصحابييات. الصحابييات ماتوا على ايه؟ الواحد زهل يا جماعة من ايه ده؟ هو الناس دي كانت

[00:06:30](#) - كده -

ما هو شيه طبيعي. اللي عاشه كده لازم هيموتوا ازاى يعني؟ اللي عاشوا الحياة دي نبدأ وندخل عشان نلحق نتكلم في الموضوع

المهم قوي ده ولكن عايز قلبك يركز جدا جدا. يا جماعة الخطورة في الكلام ده مش في الكلام. الخطورة في الكلام ده في المعاني اللي

[00:06:50](#) - كانت في قلب الصحابة وهم بيعملوا هزه الافعال. لو فهمت اللي -

كان في اليوم يبقى احنا انتقلنا نقلة مع اصحاب النبي عليه الصلاة والسلام. البطولة الاولى بطولة البدايات. يعني ايه بطولة البدايات؟ يعني ابو بكر من اول يوم ابو بكر يعني عمر من اول يوم عمر يعني ايه برضو؟ يعني تسعة وتسعين في المية من الانتكاس بيحصلوا في فترة بداية الالتزام. يعني ايه برضه؟ يعني بداية التزامك - [00:07:10](#)

هي اللي بتحدد قوة التزامك طول حياتك. الاخ اللي بيدخل قوي غالبا بيفضل طول حياته قوي. والاخ اللي بيدخل ضعيف غالبا بيدخل طول حياته مزبذب يعني ايه برضو؟ يعني ايه ابو بكر من اول يوم ابو بكر؟ يعني من اول مرة سمع عن ربنا ابو بكر. من اول مرة سمع عن الجنة والنار ابو بكر. من اول مرة - [00:07:30](#)

اسمع يا عبادي الذين اسرفوا على انفسهم لا تقنطوا. ابو بكر من اول مرة سمع وعنت الوجوه للحي القيوم ابو بكر ما حضرش محتاج الف درس عشان يتغير. ما احتاجشي عشرين رمضان عشان يبدأ يفوق. ما احتجش عشر مواسم عبادة عشان يبدأ يستيقظ. محتاج - [00:07:50](#)

اسمع متين شريط. محتاجش يقعد في خمسين ورشة. محتاجشي عشرين مشروع ايماني وليلة ايمانية ويوم تربوي. ومعسكر ايماني ورحلة آا ايمانية. ما احتاجش كل الكلام ده. من اولها يا اخواننا داخل طلاقة. ابو بكر الصديق تخيل من اول يوم ستة من العشرة المبشرين بالجنة - [00:08:10](#)

يسلموا على ايديك. مش ستة يسلموا. ستة من العشرة المبشرين. يعني ايه؟ يعني اللي كان بيشف ابو بكر كان بيبقى بطل. اللي كان بيتصل بابو بكر كان بيبقى اللي كان بيحتك بابو بكر كان بيبقى بطل معناه ابو بكر ده كان ايه؟ يعني ايه واحد اللي بيتلزم على ايديه بيبقى بطل معناه ان هو ده نفسه ايه - [00:08:30](#)

ابو بكر ربنا نزل فيه سورة كاملة في القرآن. سورة الليل. يعني ايه يا اخوانا يسلم على ايده ستة من العشرة المبشرين بالجنة؟ يعني هو زار كم واحد يقينا انزار عشرين ثلاثين واحد عشان ستة يلتزموا منهم. انا مش هاقول لك اول يوم في اسلام ابو بكر. انا هاقول لك اول يوم في التزام ابو بكر يعني ايه؟ ليه - [00:08:50](#)

اللفظ ده عشان نسقط الكلام على نفسنا يا جماعة. عشان تسقط الكلام على اول يوم انت في حياتك. الاخ بيدخل بيطلع عينيك. بيطلع روحك ما رحش للنبي عليه الصلاة والسلام يقول له يا رسول الله عناق. انا تعبان يا رسول الله. ما قعدش يعد النجوم بالليل. ما قعدش في صراع. اسيبها ولا ما اسيبهاش؟ انا - [00:09:10](#)

مش قادر ما فيش حد كان بيوقع في الزنا ولما اسلم يا رسول الله انا مش قادر. انا خايف على نفسي من الانتكاس. عمري ما في قناة كليات ولا اغاني - [00:09:30](#)

يا جماعة لقينا فيها برنامج السبات حتى الممات. وكيف تسبت على طريق المعصية؟ اشمعنى يا اخوانا العصاة ابطال في المعصية والطائعين ما هماش ابطال في الطاعة. اصحاب النبي عليه الصلاة والسلام ما فيش واحد قال له يا رسول الله العادة السرية مش عارف اسيبها. انا اسلمت بس العادة السرية تعباني. مش قادر كانوا - [00:09:40](#)

ظلم كانوا بيدخلوا بياخدوا قرارات فورية. جابوا الدنيا بالضربة القاضية مع اول خطوة دخلوها لطريق ربنا. جابوا الدنيا لمسة كتاف وجابوا المعاصي اللي كانوا بيعملوها قبل الاسلام لمس كتاف. انا عايز اقول لك ان اوعى تفتكر ان الصحابة كانت حياتهم آا يعني قبل الاسلام - [00:10:00](#)

كانوا بيعملوا كل حاجة. وكان منهم من يشرب الخمر ومن يزني. ده كانوا بيسجدوا بين يدي اللات والعزرى. بين اقدام اللات والعزرى. انا عايز يقول لك ازاي انتقلوا النقلة دي؟ ازاي دخلوا الدخلة دي؟ ازاي من اول يوم في الدين بقوا ابطال؟ اول يوم في التزام سيدنا عمر او - [00:10:20](#)

يوم في التزام سيدنا عمر بن الخطاب قال انا عايز اعرف مين آا اعرف اهل مكة ازاي اسلامي؟ قال لهم مين اكثر واحد كلمنجي في مكة؟ قالوا له فلان راح لفلان - [00:10:40](#)

عند بيته وقال له انا اسلمت. فلان طلع ما بيتبلش في بقه فولة. ملى مكة كلها بالخبر. عمر بن الخطاب يا اخوانا كان بيضرب في حرم

يومياً. كان كل يوم بيتضرب في الحرم لانه صمم يدخل. رغم المنع الامني من الصلاة في الحرم المكي - [00:10:50](#)
بيدخل يصلي كل يوم في الحرم المكي. وكل يوم يضرب ويضرب. وكان ده السبب ان اهل مكة يأسم. والصحابة كلهم قاموا داخلين
يصلوا في الحرم المكي بعد اسلام عمر رضي الله عنه. كان اسلامه نصر. عشان كده ابو سفيان وقف بعد غزوة احد وقال افيكم عمر؟
افيكم - [00:11:10](#)

ابو عمر انت لو جه الوقت حد من اهل الباطل هيقول افيكم محمود؟ هيقول افيكم حسام؟ هيقول افيكم ابراهيم؟ هيقول افيكم
وليد هيقولها فيكم عبدالرحمن؟ هيقولها فيكم محمد؟ هيقولها هينادي اسمك هيحس ان انت وجودك في الصف معناه ان -
[00:11:30](#)

في عمود فقري في الصف الصف مش هيقع. طول ما هو موجود اول يوم في في التزام خالد ابن الوليد. حاجة رهيبة يا جماعة.
الصحابة راحوا عشان منه الزكاة فما رضاش يدفع لهم زكا. فراحوا للنبي عليه الصلاة والسلام يا رسول الله. خالد بن الوليد مش راضي
يدفع زكا. مش راضي يدفع زكا. ده لسه - [00:11:50](#)

يعني واحد لسه داخل في الاسلام وداخل في الطريق ومش راضي يدفع زكا فقال النبي صلى الله عليه وسلم اما خالد فانه نظر
وافراسه في سبيل الله. خلى كل فلوسه وقف للجهاد في سبيل الله. كل امواله خلاها وقف لله اول ما دخل الاسلام. اول - [00:12:10](#)
ما التزم. ايه يا اخوانا ده؟ من اول يوم رجالة. دي البدايات يا اخوانا. انا عايز اقول لك احنا ليه البدايات بتاعتنا ضعيفة؟ ليه
البدايات بتاعتنا مهزوزة ليه معزم الشباب بيدخل الجامع مرة او مرتين وبعد كده بيخرج تاني. ليه يا جماعة؟ ما عندناش القوة. ليه -
[00:12:30](#)

بيلتزم ويقعد خمس سنين في صراع مع المعاصي بتاعة زمان. ليه ما فيش اللي بيدخل الدين طلقة زي اصحاب النبي عليه الصلاة
والسلام؟ اول يوم في التزام سيدنا حمزة في اسلام سيدنا حمزة لما رجع من رحلة صيد قالوا له ان ابا جهل يسب ابن اخيك ببسب
سيدنا محمد عليه الصلاة والسلام - [00:12:50](#)

راح لطم ابو جهل بطحه وفتح له دماغه شج راسه شج رأسه وقال اتسب محمدا عليه الصلاة والسلام وانا على دينه يا نهار ابيض! ابو
جهل يعني ده دخل على مين؟ يعني ابو جهل يعادل مين في الواقع دلوقتي؟ يعني يعادل مين مسلا في البلا دلوقتي مسلا؟ راح املاط
- [00:13:10](#)

فضح وفاتح له دماغه وقال له اتسب محمدا وانا على ديني؟ مش خايف ده ابطال ده داخل من اولها كده ده دي البداية امال بعد كده
في ايه؟ امال اللي - [00:13:30](#)

بعد كده ايه اللي هيحصل يا اخوانا؟ يا جماعة عشان كده اللي بيدخل بداية ضعيفة ما بيعرفش يوصل لحاجة. اللي خاف ضاع مع
النبي عليه الصلاة والسلام اللي اتزبب ضاع. اللي قلق اتأخر سنين. اللي حاول يمسك العصاية من النص ضاع. يعني اوعى تفتكر -
[00:13:40](#)

ان ما فيش ناس كانت عايزة تدخل مع النبي عليه الصلاة والسلام. اوعى تفتكر ان الكل كان في البطولة بتاعة الصحابة بالمنزر ده. انما
ليه اللي لان التانيين ما عرفوش - [00:14:00](#)

كملوا اصلا. لان التانيين ضاعوا. اللي خاف ضاع زي مين؟ اللي خاف ضاع زي ابو طالب. ابو طالب اتزبب.
النبي بيقول له لا اله الا الله وابو جهل يقول له على ملة عبدالمطلب. النبي لا اله الا الله وابو جهل على ملة عبدالمطلب ضاع لانه
اتزبب. اللي اتزبب ضاع. اللي - [00:14:10](#)

اللي قلق اللي قلق اتأخر سنين. المثني ابن حارثة الشيباني. لما قال لا وقال لا يا رسول الله الفرس لأ وما اقدرش اقاتل الفرس. اقاتل
عرب ماشي معك. آآ وهو عارف ان النبي سيدنا محمد عليه الصلاة والسلام رسول الله ما اسلمش غير في فتح مكة. وبقي من مسلمة
الفتح. اللي خاف - [00:14:30](#)

اه زي الاعشى. الاعشى ده شاعر من شعراء العرب الكبار. جه مكة عشان يسلم على ايد النبي عليه الصلاة والسلام. لقطوا المشركين

رايح فين؟ رايح لمحمد. ليه؟ اسلم مش هامة من حد. هم عارفين ان هو مش همه و عارفين ان مركزه ده شخصية اعلامية خطيرة جدا. في الجزيرة العربية ما يقدروش يتكلموا معه. وما يقدروش يضربوه الحركات - [00:14:50](#)

اللي بيعملوها بقى مع الايه؟ مع الغلابة مش هيعرفوا يعملوها مع شخصية اعلامية في جزيرة العرب زي الاعشى يفضحهم في الجزيرة العربية ويشهر بهم. قالوا له طب استنى الا تعلم انه يحرم الخمر؟ يا نهار اسود! خمر! حياة من غير خمر! وبعد كده قال لهم ماشي مش مشكلة بيحرم الخمر استحمل - [00:15:10](#)

لله. قالوا له طب استنى اما تعلم انه يحرم الزنا؟ لا لا لا كل الا الزنا. فقام قايل طب خلاص ارجع هذا العام ولا اقابل محمد واتييه العام الذي بعده. رجع مات. اللي خاف ضاع. اللي اتزبب ضاع. اللي حاول يمسك العصاية من النص زي بنو عامر. بنو عامر - [00:15:30](#)

عرفوا ان رسول الله صلى الله عليه وسلم قالوا له ارأيت ان اظهرك الله احنا هنقاتل وراك. ولكن لو ربنا اظهرك. ايكون لنا الامر من بعدك يعني بعد ما انت تموت يا محمد بن عبدالله عليه الصلاة والسلام نمسك احنا الخلافة شايفين بيتكلموا في ايه من اولها شايف داخل باب الجامع وبيفكر في ايه عشان - [00:15:50](#)

كده دول بيضيعوا دول بيترموا والعياذ بالله. اللي داخل في الجامع وبيفكر بالطريقة دي. ارأيت ان اظهرك الله ثم ها ان ناصرناك الله ايكون لنا الامر من بعدك؟ النبي عليه الصلاة والسلام رفض فرفضوا هم كمان والعياذ بالله اللي خاف اللي خافت من السخرية ضاعت ام - [00:16:10](#)

مصعب بن عمير ام مصعب بن عمير لما بنادى عليه الاسلام ما قالتلوش الاسلام وحش. ما قالتلوش انا رافضة الاسلام. قالت له ويتحسس بي الناس الناس تاخذني تريقة. الناس تاخذني لبانة في بقها. الناس تتريق علي. يعني ايه يا اخواننا؟ يعني الاعشى كان عايز الدين. ولكن كانت مصيبته انه - [00:16:30](#)

عايز دين ما يعارضش شهواته. كتير اوي برة الجامع بالموضع ده. هو عايز يلتزم بس مش قادر ما تخلش عن شهواتي. يعني يا اخواننا ابو طالب كان عايز دي بس من غير ما يجيب لي مشاكل مع الناس. انا مش عايز حد بقى ايه يقول علي كلمة وحشة. انا عايز كل الناس تحبني. انا عايز اكسب كل الاطراف. انا مش عايز - [00:16:50](#)

اذا ضحي بعلاقتي بحد بنو عامر كانوا عايزين دين بس ما يهزش موقعي. ما ياسررش على مكاتي. ما ياسررش على الموقع بتاع ادخل معكم بس افضل زي ما انا لي موقع وكبير ضاع والعياذ بالله. المثني ابن حارثة الشيباني كان عايز دين. ولكن كان عنده خط احمر لحد هنا - [00:17:10](#)

خلاص يا رب ما اقدرش ان انا اكمل. لحد الفرس ما ادخلش. كان عنده خطوط حمرا في الالتزام بتاعه. ام مصعب كانت عايزة دين. ولكن كانت ما حدش اتريق علي. ما حدش يسخر مني. امشي في الشارع ما حدش يبص لي بصة وحشة. ما حدش يقول علي كلمة وحشة. دول ضاعم يا اخواننا. ضاعوا - [00:17:30](#)

انما اللي دخله صح يا جماعة. اللي دخله الطريق ده صح. اذهلوا كل من حولهم. اول مرة عناق تشوف مرفد. ها؟ مرفد اللي كان هو مأنتمين مع بعض في الجاهلية. حبيبته كانوا بيحبوا بعض. وكانوا يحبوا بعض جدا. ولكن هاجر مع النبي عليه الصلاة والسلام. ورجع عشان يفك - [00:17:50](#)

واحد من اخوانه الاسرى في مكة بعد الهجرة قابل عناق. اول مرة تشوف مرصد. اول مرة بعد الهجرة. الصدمة اللي خدتها هي بتحسبه مرصد بتاع زمان. اللي كانت هتنزل دمعتين قلبه هينهار ويتفطر. ويقول اعمل ايه؟ بتحسبه مرصد بتاع زمان. اللي كان اول ما يسمع - [00:18:10](#)

صوتها يقول مش قادر خلاص. بتحسبه مرصد بتاع زمان. اللي كان لو اتقمصت منه ولا خصمته ولا طلبت منه حاجة. بتحسبه ومرصد بتاع زمان الشاب الفاضي. الشاب الفارغ. الشاب اللي ما فيش جواه معاني مالية حياته. بتحسبه مرصد بتاع زمان. قالت له مرصد هلم - [00:18:30](#)

فبت عندنا الليل يعني خلاص بقى جايبة له الموضوع من الاخر. بتحسبه مرصد بتاع زمان. اللي كان ما يقدرش يواجه شهواته. اللي

كان ما يقدرش يواجه رغباته. فوجئت بمارد قدامها. بيقول لها يا عناق ان رسول الله قد حرم الزنا مواجهة فورية - [00:18:50](#)
عاصي مواجهة فورية ذهلت زهول عناق من اول مرة قابلت فيها مرصد بعد الهجرة. زهول ام مصعب بن عمير. من اول مرة شافت
ابنها بعد اسلامه اول يوم في التزام مصعب وهو داخل وامه عرفت انه اسلم. طب اعمل معه ايه ؟ انا كنت باحث له طبق الحلويات
جنب راسه عشان - [00:19:10](#)

يصحى من النوم ياكل حلويات ويحلي بقه اول حاجة. انا كنت باجيب له افخم لبس وافخم عطور. ابني وضناي يضيع مني ازاي ؟
قالت والله لا اكل ولا اشرب حتى تعود عن دين محمد. عليه الصلاة والسلام. فاكراه مصعب بتاع امبارح اللي كانت نزره من عينين امه
في اي امر سواء - [00:19:30](#)

حق او باطل قلبه يلين. فاكراه مصعب بتاع امبارح الشاب بتاع الجاز والراب والميتال والروك فاكراه مصعب بتاع امبارح. الشاب
الروش طحن اللي لازم الجزمة تبقى ماركة والبنطلون يبقى ماركة. والتيشيرت يبقى لون الشراب وشعره يبقى مش اي تسريحة.
فاكراه مصعب بتاع امبارح. اللي ما كانش يعرف يخرج لو - [00:19:50](#)

بتاعه خلص ومش اي جل ومش اي برفان. فاكراه مصعب بتاع امبارح اللي ما كانش يعرف يمشي في الشارع الا لما يخلص ربع ازاوة
البرفان عشان اما يسيب الشارع بعدها بربع ساعة يتعرف ان مصعب كان معدي من هنا. فاكراه مصعب بتاع امبارح. انا مش هاكل ولا
اشرب. لقت قدامها اسد. بيقول لها والله - [00:20:10](#)

اه يا امي لو ان لك مائة نفس خرجت نفسا بعد نفس على ان اترك هذا الدين ما تركته. يا نهار ابيض! ده انت لو لك ميت نفس لو
طلعت روح النبي ادم ميت مرة. انا مش هاسيب الطريق ده - [00:20:30](#)

كلت وشربت ياأست. فاكراه مصعب زهول. زهول يا اخواننا زهول ام مصعب لما شافت مصعب. زهول مرات معاذ سعد بن معاذ اول
مرة اول يوم في التزامه. اول يوم في التزامه رجع بني ادم تاني. انت من اول ما دخلت الجامع بقيت بني ادم تاني. انت من اول ما
مشيت - [00:20:50](#)

في الطريق ادبت ضربة اضية للمعاصي في حياتك. انت من اول ما دخلت ادبت لمسة كتاف لحب الدنيا في قلبك. انت من اول ما
مشيت في الطريق قام قل اهدافك اتغيرت. اهتماماتك اتغيرت. بقيت انسان تاني. سيدنا سعد بن معاذ اول يوم في التزامه رجع من
القعدة مع مصعب بن عمير. مصعب بن عمير - [00:21:10](#)

عن الاسلام اسلم اسلم على ايد مين؟ مصعب. الصحابة كانوا ابطال. عشان كده اللي كان بيلتزم على ايدهم ابطال. اقول لكم حاجة
وما تزعلوش. ها انا قلتها لنفسى النهاردة عشان بس يعني ايه يعني ما تبقاش تظن ان انا باقول لك حاجة انا ما باقولهاش لنفسى. انتم
عارفين الملتزمين الجداد ضعاف ليه ؟ عشان اللي قاعدين في الجامع اللي زي - [00:21:30](#)

وحضراتكم ضعاف. الصحابة لما كانوا رجالة كان اللي بيدخل يلاقهم اسود فجأة بيطلع له زئير. فجأة بيبقى اسد انه معاذ اول يوم يا
رب ده مصحف ما اكلموش عن تاريخه في مكة. ده سعد ابن معاذ لسه مش عارف عن مصعب غير الكلمتين اللي قالهم له. ولكن قرى
في عينين مصعب - [00:21:50](#)

طب الصمود قرف قسمات وش مصعب الرجولة والبطولة رجع لمراته بتسلم عليه وبتجري على جوزها قال لها انت علي حرام. هل
عليك حرام ليه؟ قال لها انت علي حرام لقد اتبعت الاسلام. وانت علي حرام ان لم تسلمي - [00:22:10](#)

يعني ايه هي اجعزت؟ قالت له خلاص كيف ادخل في الاسلام؟ خلاص دخلت الاسلام. خرج لقومه رايحين بقى لسيدهم يسلموا عليه.
قال لهم انتم على يا حرام! انتم على حرام ليه! ده انت راجل ماسك كرسي! طب استنى طب سايس! ما فيش سعد بن معاذ عاش ست
سنين. ومات اهتز لعرش الرحمن يا جماعة - [00:22:30](#)

انت بقى لك كم سنة؟ كم واحد ملتزم بقى له عشرين سنة مش ست سنين؟ ولكن دخل الدين صح. انتم علي حرام. لقد دين محمد
فان لم تسلموا فانتم عليها حرام لا عايز كرسي ولا عايز ابقى كبير فيك ولا عايز اي حاجة. فاسلم قوم سيدنا سعد بن معاذ راح -

[00:22:50](#)

يعتمر في مكة وهو مؤوي رسول الله صلى الله عليه وسلم. انتم عارفين يا جماعة زي ايه كده؟ انتم عارفين اللي عمله سعد بن معاذ انه يروح عمرة في مكة بعد ما عرف ان النبي - [00:23:10](#)

وهيهاجر ليه؟ والصحابة هاجروا ليه؟ انتم عارفين دي عاملة زي ايه بالزبط؟ عارفين مسلا مسلا يعني اه يعني مسلا ايه رئيس فستان مسلا أوى اخطر شخصية جهادية آآ او أوى كل المجاهدين اللي امريكا عارضة ميت مليون دولار لكل واحد يتدلى عليه فيهم. ها - [00:23:20](#)

ويقوم حاجز تزكرة ونازل امريكا عشان مسلا يزور واحد من العلماء هناك. يا عم هيقتلوك. ده انت عامل فيهم عاملة دابحاهم انت مولع قلبهم باللي انت عملته. انت ما انتاش عارف انت عملت فيهم ايه ورايح يعتمر. ابو جهل يوقفه وهو بيطوف. يقول له لا انا امنعنكم الطواف حول البيت ابدأ - [00:23:40](#)

قال له والله لان منعتمونا الطواف حول البيت لنمنعنكم ما هو اشد منه عليكم. لنمنعنكم طريق تجارتكم الى الشام انت ناسي ان احنا في الشمال بينكم وبين الشام مش هنخلي قافلة من مكة تعدي. ايه ده؟ بيكلم مين؟ وبيكلمه ازاي؟ وجاي القوة دي منين - [00:24:00](#)
ودي القوة دي قوة مصعب في مكة. انما جابها منين؟ عرف منين؟ يا اخوانا هو اسلم على ايد مصعب. مصعب راجل طلع راجل من غير اما مصعب يكلمه عن الرجولة اللي عملها مصعب في مكة. عرف من نبرة كلام مصعب انه راجل. لقط اتعدى الرجولة من نبرة - [00:24:20](#)

مصعب ونظرات عينين مصعب. والنور اللي خارج من كلام مصعب ابن عمير رضي الله عنه. ده دي البدايات يا اخوانا. دي البدايات بتاعتهم وبدايات الصحابة كثيرة. ولكن من الحاجات اللي تزهل برضو بجانب بطولة مش هضعف. مش هضعف. لا يمكن - [00:24:40](#)
هضعف ولا هتهز ولا حاجة هتهزني ولا حاجة هترجعني ورا تاني. تعامل فوري مع المعصية وانطلاق من ضمن بطولات بطولة الاستمرار. يعني ايه بطولة الاستمرار بقى؟ يعني ايه بطولة الاستمرار؟ هي ديت المشكلة يا اخوانا والله. كنت لسه مع يعني - [00:25:00](#)

اخ من الاخوة كان زمان يعني هو واخوه. فكان اخوه يعني نايم شوية. وكان الاخ ده ناري ما شاء الله لا قوة الا بالله. فمرت الايام الاخ اللي ده نام واخوه بقى ما شاء الله لا قوة الا بالله منطلق. فوقف مع اللاتنين اقول له يا ابني ده انت كنت انت اللي زمان انت اللي الواحد يعني متعجب من - [00:25:20](#)

بتاعك. هو يا اخوانا ما فيش حد بيعرف يكمل ليه؟ هو ما فيش حد بيواصل ليه؟ ما فيش حد فاهم يعني ايه مش هقف اللي الصحابة رسخوه في الدنيا ازاي؟ ابو بكر الصديق اول ما اسلم لقي اخوانه بيتعذبوا. طلع كل ما له عشان يعتق العبيد. عشان يعتق - [00:25:40](#)

مين العبيد اللي بيتعذبوا زي سيدنا بلال وزي سيدنا افلح عشان يعتق العبيد اللي بيتعذبه ونزل فيه سورة الاعلى جزاء له على ما فعل سيدنا ابو بكر الصديق بعد عشر سنين جت الهجرة. طلق طلع كل ما له تاني - [00:26:00](#)

عشان النبي عليه الصلاة والسلام يهاجر. سيدنا ابو بكر بعد تسعناشر سنة جت غزوة تبوك. واحتاج الجيش للنصرة العدد المادي طلع كل ما له تالت عشان الجهاد في سبيل الله. طبعا حركة زي دي احنا ممكن نقولها عاد ابو بكر طلع ما له تالت مرات - [00:26:20](#)
حبيب قلبي الكلام ده ما يعديش يا اخواننا. الكلام ده كلام خطير جدا. الكلام ده يعني ايه نفس اللياقة الايمانية في اول التزامه. زي في وسط التزامه زي في اخر حياته. يعني ايه انسان بطل لا ينزل؟ يعني ايه انسان مستواه الديني ما بينزلش؟ يعني ايه انسان قادر انه يعمل التضحية - [00:26:40](#)

هي المهولة دي والبطولة الدعوية دي في اول وفي وسط وفي اخر عمره. يعني ايه يا اخواننا؟ يا جماعة فما وهنوا لما اصابهم مش هاقف مهما حصل مش هاقف. مش ممكن اقف زي سيدنا سلمان الفارسي رضي الله عنه. ابوه يكتئب يروح يدور على - [00:27:00](#)
دين غير دين المجوسية. يكتشف النصرانية. يقول لابونا هتبع النصرانية. ابوه يأيده ويكلبشه مش هقف. لا يمكن هقف يسترشد فيه قافلة طالعة للشام ولا لأ؟ ويوم ما يعرف ان فيه قافلة يكسر الاغلال بتاعته ويهرب من ابوه. مش هاقف يروح يشتغل خدام -

ابن قص ابن القساوسة مش هقف حتى لو اشتغلت خدام. يروح يكتشف ان القس ده نصاب. ويكمل معه مش هقف انا هروح فين انا ما عنديش مكان تاني اروحه. واحد نصاب بس بيقول كلام الدين. وببيفديني بكلام الدين وان كان هو ما بيطبقش الكلام ده. احسن من ان ما بيقاش فيه كلام - [00:27:40](#)

اصلا مش هاقف يموت يروح دولة تانية القس تاني مش هاقف يتأسر ويبقى اسير وعبد عند اليهود في المدينة المنورة مش هقف تعدي عليه سنين مش هقف. يعني ايه ان انا لن اتوقف يقول لك ايه هو النجاح؟ يقول لك النجاح - [00:28:00](#)
هو القدرة على التنقل من فشل الى فشل دون ان تفقد حماسك. انا مش هقف انا مش هبطل انا مش توقف عشان كده وانت بتحفظ القرآن مش هاقف يا انت عارف فيه دموع قد ايه نرفت من من العيون والقلوب - [00:28:20](#)
اللي ختموا المصحف يختموه عشان اللي حفظ القرآن يحفظوه. انت عارف فيه ناس صدورها ديت توصلت بالله اتمرغت في التراب قد ايه؟ عشان ياخذوا جايزة خيركم من تعلم القرآن وعلمه. مش هاقف. ما فيش حاجة توقفني. قال رسول الله - [00:28:40](#)
صلى الله عليه وسلم لو كان الايمان في الثريا لبلغه رجال. لو كان الايمان في الثريا ازاى؟ لو لو هيحصل في طريقه مليون معوق مش هيقف. هيتصرف هيطلع على الف مرحلة ولكن لن يتوقف. يا اخواننا حتى مع الانبياء - [00:29:00](#)
سيدنا ابراهيم ربنا يقول وكذلك نري ابراهيم ملكوت السماوات والارض وليكون من الموقنين. خلاص عايز ايه؟ يقف في وش قومه ويقول له هم اي الفريقين احق بالامن؟ خلاص؟ اليقين وصل عندك لدرجة مهولة. عايز ايه؟ يقول رب ارني. كيف تحيي الموتى؟ الله! اولاً - [00:29:20](#)

تؤمن بلى ولكن ليطمئن قلبي. يطمئن قلبك ايه؟ ده انت وقفت في وش النمرود وما خفتش. ده انت اترميت في النار وما خفتش. ده انت حطمت الاوسان وما خفتش. ده انت اية من ايات ربنا في اطمئنان القلب بالله وفي اليقين. سيدنا ابراهيم مش هاقف مش هاقف الشعار بتاع مدارج السالكين - [00:29:40](#)
للامام ابن القيم اذا ركنت الى ما نلت فما نلت. لو انت وصلت المقام ووقفت عنده انت ما خدتش. اذا ركنت الى ما نلت فما نلت. ما نلتش. سيدنا موسى عليه السلام يعني ربي ارني انظر اليك. عايز ايه يا موسى؟ ربنا كلمك. مش - [00:30:00](#)
انا على طول عايز الاعلى. انا على طول عايز المقام الاعلى. النبي عليه الصلاة والسلام. في رحلة المعراج يعدي يلاقه بيصلي في قبره في رعاية الاسراء تلاقه بيصلي في قبره حتى وهو ميت حتى في حياة البرزخ مش هقف. يوم القيامة النبي عليه الصلاة والسلام يبعث فيجد موسى - [00:30:20](#)

بقائمة من قوائم العرش. مش هاقف. مش هاقف حتى يوم القيامة. حتى في القبر. حتى في الدنيا. يا اخواننا الاستمرار يا جماعة. الاستمرار انك انت بيقى عندك عزيمة مش هقف. لن اتوقف ابدًا. الاستمرار انك - [00:30:40](#)
انت منطلق بدايتك قوية ومنطلق بعد كده مدى الحياة ومعاهد ربنا ان ده جهد عمر. ان التزامك وانطلاقك الى الله ده جهود عمر. انما مش اللي يحصل ويقف ويخلص له جزئين ويقف. وفي ربع الختمة يقف ويقوم ليلتين ويقف. ويقعد جلستين ضحى ويقف. ويحضر درسين ويقف - [00:31:00](#)

وتعلى همته اسبوعين ويقف وبشتغل في الدعوة شهرين ويقف. ويطلب علم كتيبين ويقف. وبعدين يا اخوانا الانطلاق يا اخوانا مش هاقف من بطولات الصحابة العظيمة جدا. بطولة اللحظات او الاختبارات الفاصلة في الحياة - [00:31:20](#)
يعني ايه الاختبارات الفاصلة في الحياة؟ يعني زي السيدة نسبية بنت كعب كده ام عمارة وهي داخله في غزوة احد فجأة هي داخله تسقي مية هي ما لهاش دعوة اصلا ان هي تقاوتل او ان داخله الصينية. فجأة تلاقى ظهر النبي عليه الصلاة والسلام مكشوف. ظهر النبي مكشوف ده يا جماعة معناه ايه؟ معناه ايه؟ ظهر النبي عليه الصلاة والسلام - [00:31:40](#)
يعني النبي ممكن يتقتل بسهولة في غزوة احد. الا ان يعصمه الله سبحانه وتعالى من هذا الامر. انها تمسك سيف وتقف في ظهر النبي. ده معناه ايه؟ معناه تسعمية تسعة مش تسعين في المية! ده مليار في المية مقتولة مقتولة! ده هتندبح الوقت ده!

هنتقطع حنت! اختبار اللحظات - 00:32:00

فاصلة الاختبارات دي كلكم هنتعرضوا لها. كلنا هنتعرض لها. اختبار ان دينك ممكن يبقى تمنه روحك اختبار اليقين الراسخ كلنا قاعدين نتكلم الوقتي. ممكن تختبر بفتنة. بنت تتصل بك. وتقول لك انا بحبك. مسلا يعني - 00:32:20

اختبار بس مش اختبار مصيري عادي ممكن تتعرض لاختبار وزيفة مال حرام اختبار بس واخوة كثير وقعوا في الاختبار ده ان برضو مش مصيري. ممكن تتعرضي لان زوجك مسلا عايزك تبعدني عن الالتزام او خطيبك عايزك تخلعي النقاب اختبار. بس يا جماعة فيه حاجة اسمها - 00:32:40

اختبارات المصيرية في الحياة. يعني ايه الاختبارات المصيرية في الحياة؟ زي ام سليم كده. اول يوم تسلم فيه جوزها يعلن تشري ويقرر انه هيهج من المدينة المنورة ومش هيقعد في بلد فيها محمد ابن عبدالله. عليه الصلاة والسلام. يعني ايه الكلام ده؟ يعني -

00:33:00

في اختبار ما بين مشاعرها وما بين دينها. اتحطت في اختبار ما بين مشاعرها وما بين دينها. ده جوزها يا اخواننا. الست اللي جوزها تبقى تقول لك انا عمري ضاع خلاص. انا حياتي ضاعت خلاص. يعني الست بتنهال لما جوزها بيموت اكثر من لما ابنها بيموت. ليه؟ لان

زوجها - 00:33:20

فلدى حياتها واستقرارها ومصدر دخلها ومصدر الحنان في حياتها ولا هي انسة في كبارها يعني الست بالنسبة لها جوزها ده حاجة مهولة. ام سليم جوزها يهاجر من المدينة يهرب من النبي عليه الصلاة والسلام. وهي تفضل قاعدة. وتصمم انها تكمل مع النبي عليه

الصلاة والسلام. ما احبطتش بقى - 00:33:40

ما قعدتش بقى ايه محطمة نفسيا. ما قعدتش تقول انا شبابي ضاع. يا ريتني كنت اتجوزت حد يا ريتني طب طب اروح ادعوا لي لما يمكن يرجع معي تاني من الشام اللي هرب لها من الاختبارات المصيرية في الحياة. لما مرصد ابي العناق في مكة كان ممكن يا جماعة

بعد ما مرصد - 00:34:00

المدينة واستأذن النبي انه يتجوز عناق والنبي رفض كان ممكن مرصد يجي له اكتئاب نفسي. او ياخذ ادوية نفسية زي شباب كثير

اوي فشل في علاقة الحب اللي ارتبط بها - 00:34:20

او البنت اللي بيحبها اتجوزت واحد تاني او آآ لاي سبب ما وافقش عليه اهلها. يجي له اكتئاب نفسي. كان ممكن مرصد يا جماعة يقعد يغني خاصم الشوارع ويقعد يعيش بقى. وكان ممكن مرصد يا جماعة يقعد يضرب عن الزواج طول حياته. زي ما كثير شباب بيحب

وما رضاش يتجوز - 00:34:30

بعد اللي متعلق بها ما عرفش يتجوزها. كان ممكن مرصد يدخل في اكتئاب نفسي. كان ممكن يتحطم. كان ممكن يحبط. انما يا اخوانا ازاى ان انت يبقى فعلا مشاعرك تجاه ربنا اعلى من اي حاجة في حياتك. الاختبارات المصيرية في الحياة. الصحابة لما كانوا -

00:34:50

ان الدين واقف قدامه حاجز كان لا يمكن يسمحوا ان فيه حاجة تقف قدام انتشار الدين. الموقف ده حصل مرتين. حصل مرة مع البراء ابن مالك في حديقة الموت في قتال مسيلمة الكذاب وحصل مرة مع سعد ابن ابي وقاص في فتح مصر لما اتقفل باب -

00:35:10

حصن بتاع مسيلمة في حديقة الموت. ولان الاسلام مش عارف يدخل. الدين وقف هنا. الدين وقف ليه؟ لان الباب ده بين الدين وبين الناس اللي جوة براء ان ملك ما قدرش يسكت. قال لهم احملوني واقدفوني. نقذفك دي فين؟ ده فيها اربعين الف واحد جوة. انت

بتتكلم اربعين - 00:35:30

تسعين الف واحد جوة اربعين الف واحد مشرك. مرتد بيقا تل مع مسلمة الكزاب. نقذفك فين؟ اقدفوني جوة. الباب ده. هو اللي بين الدين هو اللي بين الاسلام وبين المكان اللي جوة ده. انا جسدي وروحي فدائي للاسلام ما يقفش قدامه عائق. اسمها الاختبار -

00:35:50

لحظات او الاختبارات الفاصلة في حياة الانسان. انك تتعرض لاختبار ان الدين بقى تمنه روحك. ممكن معظم دول ما ماتوش. يعني معزم لا نسيب ابن كعب اتقتلت. ولما سليم خصرت اتجوزت اللي احسن من جوزها المشرك. ولا البراء ابن مالك اتقتل. ولا سعد ابن ابي وقاص - [00:36:10](#)

ولكن يا جماعة هو فعلا اسبت عمليا لما جت الاختبارات الفاصلة ان دينه اغلى من روحه من اي حاجة في حياته سعد ابن ابي وقاص لما اتقفل الحصن في فتح مصر عمل نفسه موقف البراء بن مالك. اذفوني. طب المرة دي مش مسالمة الكذاب يا ابن ابي وقاص. ده المرض الروم - [00:36:30](#)

ده المرة دي انت بتقاتل الروم يعني احنا احنا مش بنهزر الوقتي بقى. يعني احنا مسلا مش رايعين نحارب في وسط افريقيا ده انت بتحارب امريكا. يعني الموضوع ما هواش كده قذفوه - [00:36:50](#)

اذفوني وفتح لهم الحصن. وربنا مكن على ايديه. اللي بيعمل البطولات دي دايمنا ربنا بييجيب على ايديه فتح كبير اوي. ليه؟ ربنا يعني كرم ربنا سبحانه وتعالى. اختبار اللحظات الفاصلة في حياة الصحابة او في حياة الانسان. الاختبارات - [00:37:00](#)

الفاصلة زي مين يا اخوانا؟ يعني زي آآ زي سلمة بن الاكوع كده رضي الله عنه قاعد مع النبي عليه الصلاة والسلام فيما يروى عن آآ آآ يعني اصحاب النبي عليه الصلاة والسلام وهم في معسكر جهادي. وجه واحد مشرك واتصنت عليهم اتكشف ركب الجواد بتاعه وطار النبي عليه الصلاة والسلام يروى انه قال من يأتيني - [00:37:20](#)

فيه وله الجنة. مين اللي يجيب المشرك دهو وله الجنة؟ موضوع خطير يا جماعة سيدنا سلمة طلع يجري صحابي جواد وطلع يجري ورا المشرك. وصحابي ركب جمل وطلع يجري وسلبه ابن الاكوع ما كانش معه لا فرس ولا جمل ولا معه حاجة راكب. كان ماشي في المعركة دي - [00:37:40](#)

طلع يجري على رجليه. رضي الله عنه. القضية العبرة هنا ايه؟ العبرة هنا ان المشرك طبعا بييجري بايديه وسنانه ده هيتقتل. اللي الجمل شوية ويأس هو فين والمشرك فين؟ فرجع. خلاص رجع. شوية اللي راكب الفرس هو كمان يأس ورجع. سلمة ابن الاكوع بييجري - [00:38:00](#)

مش شايف قدامه المشرك ده راح فين اصلا؟ وسلمة ابن الاكوع نفسه هيتقطع. سلمة ابن الاكوع هيموت خلاص نفسه هيتقطع ومع ذلك الشهايق مش هقف هتموت اموت وانا بجري ورا الجنة. اخدها زي بالزبط اللي نالها. اموت وانا بجري ورا الجنة. مش - [00:38:20](#) الاكوع ها ويقول انها الجنة يا سلمة. انها الجنة. كلمة الجنة دي كانت بترن في قلب سلمة. ابن الاكوع انها الجنة يا سلمة لحد ما لحق بالمشرك وطوقه وقال له تعال يا جنتي. تعال يا جنتي مش هقف يا اخوانا. اختبار اللحظات - [00:38:40](#)

الفاصلة في عمر الانسان. اختبار اللحظات الاختبارات الفاصلة في حياة اصحاب النبي عليه الصلاة والسلام. كلكم كلنا هنتعرض للاختبار ده. انا خايف من اللحظة دي. ولكن انا عارف انها جاية. انا عارف انها هتيجي في حياتي وفي حياتك وفي حياتك. وفي حياتنا كلنا - [00:39:00](#)

لما هتمتحن بقى انت النهاردة بتمتحن دينك اغلى ولا شهوتك؟ طب دينك اغلى ولا فلوسك؟ فيه لحظات هتيجي دينك اغلى ولا روحك؟ دينك مصدق بجد اللي هينجح في اللحظات ده هيبقى من ابطال التاريخ بتوع الاسلام. اللي هينجح البطولة اللي بعد كده العشاء. طب دي - [00:39:20](#)

البطولة اللي بعد كده خواتيم بعد التتويج بقى للبطولة بتاعة البدايات. البطولة بتاعة الانطلاقات والاستمرار طولة بتاعة اللحظات الفاصلة بطولة الخواتيم. كان شيه طبيعي. ان سيدنا سعد بن معاذ يموت الموتة اللي ماتها دي. ان هو يموت وهو بيدعي ربنا ان لو ما عدش حرب مع المشركين خدني يا رب. اقبضني يا رب. انا مش عايز الدنيا. كان - [00:39:40](#)

شيه طبيعي ان معاذ ابن جبل يموت ويقبل الطاعون في ايديه. ويكلم الموت بيعت رسالة حب للموت يقول له اخنق خنقك فوالله اني احبك لاني مش هشوف ربنا وحببي ومولاي الا لما اموت كان شيه طبيعي. ان مصعب ابن عمير يتقطع تحت في اخر لحظة من حياته في بطولة نادرة - [00:40:10](#)

عبر التاريخ عشان يدافع عن النبي عليه الصلاة والسلام. كان شيء طبيعي ان ابو ايوب الانصاري وهو في السفينة في فتح بلاد الترك وعنده اثنين وتسعين سنة. يقول لهم ان - [00:40:30](#)

انا مت فلا تدفنوني حتى تصلوا الى ارض الجهاد. في القانون البحري اللي يموت ويعدى عليه. آآ مش فاكر بقى اتناشر ساعة ولا اربعة وعشرين ساعة يترمي في البحر لو السفينة ما رستش على ارض في هذه الساعات. يترمي في البحر قال لهم فلا تدفنوني حتى تصلوا الى ارض المعركة. حتى اذا لقيت ربي اقول له - [00:40:40](#)

يا رب جاهدت فيك حيا وجاهدت فيك ميتا. كان شيء طبيعي ان عكرمة ابن ابي جهل البطل من اول يوم في اسلامه والتزامه انه لما ييجي يموت يعمل كتيبة المبايعه على الموت في اليرموك. كان شيء طبيعي ان دي تبقى النهايات يا جماعة. يا شباب اخواني واحبابي في الله - [00:41:00](#)

عشان ان شاء الله بازن الله بعد اذان العشاء اللي هيكمل معنا دكتور احمد عبدالمنعم ربنا يحفظه ها ويبارك فيه. لان يعني يعني احنا اتكلمنا مع بعض قبل ما اجي عن مسألة في غاية الخطورة يا جماعة. سبعين يوم على رمضان. سبعين يوم هندخل رمضان بايه؟ لو ما حصلش - [00:41:20](#)

في سورة في السبعين يوم دول في علاقتك بالقرآن وفي علاقتك بالعبادة يا ابني مش هتستفاد من رمضان. يا اخوانا التعب كله مش في رمضان يا اخوانا رمضان ده انت بتقش فيه. التعب كله في رجب وشعبان. رجب الاربع اللي بعد الجاي. خلاص. واحد رجب الاربع - [00:41:40](#)

اللي بعدك جاي. رمضان ده فرصة عمرنا. انا حاسس وانا جاي يا جماعة ان انا جاي اقول لكم فرصة عمركم جت. فرصة عمرنا كلنا جت احنا خارجين من سنة ما يعلم بها الا ربنا. لو تفتكروا السنة اللي فاتت دي ما يعلم بها الا ربنا. ظروف اقتصادية. ظروف اجتماعية - [00:42:00](#)

ظروف نفسية ظروف ايمانية تعثر ايماني. جت فرصة يا ابني ثلاث شهور بازن الله. ان ربنا احيانا هاجيب لكم ان شاء الله فرق رامي الله يرحمه دكتور رامي اللي مات في شعبان. الورق بتاعه عندي مذكراته. مذكراته اللي كان كلها استعداد لرمضان. قرئت فيها مات - [00:42:20](#)

في شعبان وهو صايم الله يرحمه. قرئت فيها جدول ما بعد رمضان من وهو قبل رمضان عامل جدول العبادة لبعده رمضان فرغ الشرايط. الشرايط بتاعتنا. الشرايط بتاعة الشيخ احمد جلال. الشرايط بتاعة الدعاة. اللي بيتكلموا عن رمضان مفرغ الشرايط. وبيدرس وبيذاكر زي السانوية العامة - [00:42:40](#)

عشان يستعد لرمضان. عشان كده يا اخواني في الله ان شاء الله بازن الله آآ هنبداً من اول المرة الجاية رمضان غيرني بقى. التغيير ازاى نتغير بالقرآن؟ ازاى نتغير بعلاقتنا بكتاب ربنا؟ الكتاب ده اهو يا اخوانا. قدامنا ميت يوم من هذه اللحظة. ميت يوم سبعين - [00:43:00](#)

لرمضان وتلاتين يوم في رمضان بازن الله. ميت يوم المعسكر التأهيلي للكليات الحربية خمسة واربعين يوم. يعني معسكرين تأهيليين زي بتوع الكليات الحربية. يعني ان صداقة الله مع هذا الكتاب هتخرج من رمضان مارد بازن الله. هتخرج من - [00:43:20](#) كان راجل ربنا من علينا واطعنا الفترة اللي فاتت مرحلة كويسة جدا. فضل ومنة الله. دخلنا في الورش. دخلنا في الصحبة. النهاردة كنا قاعدين بعد الفجر كان في شباب فضل ومنة الله في جلسة اجتماعية جميلة كده شباب من الدرس يعني ليسوا فضل منة الله قليلين اللهم لك الحمد. التحفيز لما باروح الواحد بيبقى هيبكي من جمال - [00:43:40](#)

يعني فضل منة الله الهمم اللي رايحة هناك. قطعنا شوط يا جماعة بفضل الله. عملنا ربنا من علينا بحاجات طيبة كتير بفضل ومنة الله سبحانه وتعالى. التلات شهور الجايين دول حياة او موت. عاهد ربنا من دلوقتي هتروحه بازن الله سبحانه وتعالى النهاردة. يعني كل واحد هيبداً بقى على ما نبدأ احنا - [00:44:00](#)

انت بتبدأ بالزاتية بتاعتك بازن الله سبحانه وتعالى هتبدأوا بقى ان شاء الله اه اه تراجع علاقتك بالقيام تراجع علاقتك بالقرآن تشوف

هتجاهد مع كتاب ربنا ازاي؟ تبدأ تشحن نفسك اخوانا جاييين لنا ورق رمضان؟ لأ احنا مش عايزين ورق رمضان الوقتي. مين اللي

جايب ورق رمضان الوقتي؟ مشاريع رمضان دا لسة - [00:44:20](#)

دلوقتى ان شاء الله الورقة اللي هنجيبها المرة الجاية. والاخوة هتاخذها بالثمن لانك لازم تدفع تمن دعوتك. وهننشر الموضوع ده في الدنيا كلها. الورق بتاع رجب شعبان بازن الله ولكن ان شاء الله الان مع الاذان وبعد كده دكتور احمد عبدالمنعم بازن الله سبحانه

وتعالى هيكلنا بقى عن يعني اية من كتاب ربنا كده ازاي - [00:44:40](#)

رمضان ممكن يرفعنا وبعد كده ان شاء الله التوصيات بازن الله سبحانه وتعالى. السلام عليكم صوتنا راح يا رجالة. دكتور احمد

عبدالمنعم حسدنا يا جماعة. بيقول صوتي عالي انا صوتي عالي - [00:45:00](#)

جزاهم الله خيرا. انا استمتعتم والله انتم استمتعتم. انا استمتعت جدا يعني بصراحة. يعني ان بعد الاية اللي ربنا اتكلم فيها عن القرآن والصيام اللي هي شهر رمضان الذي انزل فيه القرآن. ربنا قال ايه؟ واذا سألك عبادي عني. ما عدش السؤال عن مراد الله بقى

السؤال عن الله نفسه حصل ارتقاء - [00:45:20](#)

القرآن بيرفعك. الصيام بيرفعك. وزى ما دكتور احمد قال طب ما القرآن والصيام بين ايدينا الوقتي. قبل رمضان بسبعين يوم القرآن بين ايدينا. مين يبدأ صيام من الوقت يا رجالة؟ يرفع ايده. اه ياني يا رب يا رب لو كل واحد بيرفع ايده وبيتكلم بجد الدنيا -

[00:45:40](#)

اتغير. مين يسبت اتنين وخميس دلوقتى؟ ها مين يبدأ قيام ليل من اول الليلة؟ ها؟ ما شاء الله لا قوة الا عشرة في المية رافعين ايد

واحدة مش عارف بقى اللي رافع ايده بالزبط قد ايه عموما يا اخواني في انتهت ان شاء الله بازن الله آآ آآ يعني - [00:46:00](#)

عشان بس التوصيات في النهاية سريعا كده. اول حاجة يوم الاربعاء القادم بمسجد الصديق بالمشاية. درس الشيخ احمد جلال طبعا يوم الاربع باذن الله في مسجد صديق هيبقى الدرس فيه دكتور عبدالرحمن الصاوي الشيخ احمد جلال شيخ علي قاسم وانا بازن الله

سبحانه وتعالى احنا الاربعة - [00:46:20](#)

بازن الله ان ربنا اذن هيبقى افتح لي قلبك. ها او يعني بشمهندس احمد سلطان بيقول يعني هو حط عنوان من عنده بقى انا بقول

كده قبل الامتحانات الشباب يسأل - [00:46:40](#)

ونحن نجيب. يعني ايه؟ يعني انا بقول انا العنوان بتاعي انا افتح لي قلبك. انتم احرار بقى يعني ايه؟ اللي عايز اي عنوان ياخذ

العنوان اللي هو عايزه. ها زي - [00:46:50](#)

يبقى ان شاء الله بازن الله في لقاء افتح لي قلبك. الشباب يسأل ونحن نجيب قبل الامتحانات بقى ان شاء الله. آآ يعني وان كان طبعا الامتحانات المفروض ما تعطلناش. يبقى الاربع الجاي في مسجد الصديق دكتور عبدالرحمن والشيخ احمد جلال والشيخ علي قاسم.

احنا الاربعة ان شاء الله افتح لي قلبك. طيب بالنسبة يا اخواني في الله - [00:47:00](#)

تحفيز النساء. يعني دي عايز اقولها بقى والسيدات مركزين معنا. اخواتنا يركزوا معنا. آآ آآ يعني المكان تحت في الشرعية اتجهز خلاص. بفضل الله سبحانه وتعالى طبعا كان فيه تجهيزات مكلفة وتجهيزات كتير يعني. اتجهز المكان خلاص تحت بفضل الله.

الاستقبال - [00:47:20](#)

بال للي هيحفظم في الجمعية الشرعية قلنا النساء هيحفظوا في الجماعة الشرعية وان شاء الله هنتفق لهم كمان يعني او يحفظوا في مسجد الصديق يناسبها المكان هناك. انما احنا هنبدا للنساء في الجماعة الشرعية. يوم الحد واللاتين الجايين دول يركزوا النساء

عشان يعرفوا بعضهم. واللي ما جاتش - [00:47:40](#)

درس النهاردة يعرفوها وكله يقول لبعضه. يوم الحد واللاتين من الساعة عشرة الصبح لحد صلاة العصر بازن الله في دار القرآن تحت

في دار القرآن تحت هنا في الجمعية هيبقى استقبال النساء من اجل تحديد كل واحدة هتيجي - [00:48:00](#)

ايه؟ سرعة حفزها ايه؟ سرعة مراجعتها ايه؟ هتدخل من انهي محطة من المحطات السبعة؟ يبقى يوم الاحد واللاتين. يوم التلات

البدء الفعل لتحفيز النساء ان شاء الله. يبقى النساء يركزوا معنا يوم التلات دهو بفتح الله وحده بفتح الملك القدير وحده. هنبدا -

ان شاء الله فعليا المحطات السبعة الحفز وتجويد القرآن الكريم. عند النساء. يعني انا كنت في مصر اليومين اللي فاتوا لقيت ناس بدأت بفضل ومنة الله يعني الموضوع بيتنشر يا اخوانا فضله من نفس الطريقة بنفس طريقتها. يعني ان شاء الله ربنا يكتب لها القبول والنجاح يا رب. يبقى بالنسبة لتحفيظ النساء في الجمعية الشرعية يوم - [00:48:40](#)

الحد والالتين من الساعة عشرة الصبح لصلاة العصر استقبال النساء في دار القرآن ده والبدء الفعلي يوم التلات. بالنسبة لآخواننا واخواننا على الانترنت هيقدموا طلبات طريقة المحطات السبعة برضه هتبدأ على موقع الطريق الى الله على الغرفة الصوتية فضله من - [00:49:00](#)

عشان يبقى انت ماشي خطوة بخطوة معنا زي ما بدأنا الورش هنا وبعد كده بدأنا على النت. اللي عايز اللي معه اجازة واللي عنده خبرة في التحفيظ عايز يحفز او اللي عايز يحفز او اللي عايزه تحفز فضله ومنة الله. طبعا فيه فريق من المحافزين ولكن كمان اللي عنده خبرة لان النت كبير ومجال واسع - [00:49:20](#)

اتقدم على اه موقع الطريق الى الله عشان اللي قاعد في بيته اللي قاعدة في بيتها. اللي ما عندوش وقت ان هو يبجي. اللي في امريكا اللي في اوروبا اللي - [00:49:40](#)

ايه اللي ايه اللي يبدأ يايه؟ يتواصل معنا. آآ هيبقى التحفيظ اسمه تحفيظ دليفري. تحفيظ ايه؟ دليفري عشان اللي قاعد في امريكا اللي قاعدة في اوروبا اللي قاعد في اي حته وبمناسبة تحفيظ دليفري يعني عملنا فكرة كده من كذا يوم. بدأت سلسلة على الواتساب وبعثتها لبعض الاخوة فبفضل الله - [00:49:50](#)

اللهم لك الحمد يعني انتشرت كثير جدا. سمينها سلسلة دين دليفري. سلسلة ايه؟ دين دليفري. فاحنا ان شاء الله غالبا الجمعة الجاية هنعمل رقم موحد للدرس دا هو. رقم واحد لكل الاخوة والاخوات اللي فيه. لكل الشباب والفتاة اللي فيه. لكل الرجال والنساء اللي فيه هيبقى رقم موحد - [00:50:10](#)

يعني بازن الله هبعث لكم من خلاله لى عنده الواتساب منكم بازن الله هبعث لكم من خلاله اه اه رسائل تذكير حية يعني ايه خصوصا ايه لهذا الدرس بازن الله عشان نفضل متواصلين مع بعض طول الاسبوع بازن الله هيبقى اسمها خلاص بازن الله. يبقى ازا تحفيظ دليفري من خلال شبكة - [00:50:30](#)

الانترنت طريقة المحطات السبعة اللي عايز يحفظ او يحفز يقدم على موقع الطريق الى الله بازن الله سبحانه وتعالى يتقدم بالطلبات وهنبدأ ان شاء الله في خلال ايام هذه الطريقة ان شاء الله باذن الله. طيب بالنسبة لى بيتابعونا على الغرفة الصوتية يعني طبعا آآ يعني لازم نتقدم بالشكر - [00:50:50](#)

باذن الله سبحانه وتعالى لكل اللي بيتابعونا على الغرفة الصوتية. ربنا يبارك فيهم ويحفزهم. ونتمنى ان شاء الله ان يبقى فيه مجهود خاص للانترنت اكر من كده. طيب يا اخواني تحفيظ - [00:51:10](#)

الرجالة بقى تحفيظ الرجالة يا رجالة. يا رجالة تحفيظ الايه؟ الرجالة. مين اللي لسه ما راحش التحفيظ يرفع ايده كده يعني انتم عايزين تقنعوني ان كل اللي منزليين ايدهم طب نزلوا ايديكم مين اللي راح التحفيظ؟ قال لها امال - [00:51:20](#)

احنا بنضحك على بعض ولا ايه؟ اللي راح التحفيظ يرفع ايده. طب وطوا نزلوا ايديكم؟ طب اللي ما راحش التحفيظ يرفع ايده. ايوه كده الصدق بدأ ايمان بقى. الدنيا بدأت بقى. اللي ما راحش التحفيظ ما راحش ليه؟ ليه يا جماعة - [00:51:40](#)

حافظ انتم خاتمين ما شاء الله! يعني خلاص مش محتاجين يعني الموضوع احنا بنقول رمضان بعد سبعين يوم يا ابني. يعني انت ممكن تروح فيهم عشرة اسابيع تروح فيهم عشرين مرة تحفز لك فيهم ثلاث اربع تجزاء قرآن يفرقوا معك في قلبك في رمضان. مين ناوي يروح يسجل في التحفيظ في - [00:52:00](#)

مسجد الصديق الاسبوع ده يرفع ايده. مين ناوي يروح يسجل؟ مش اللي سجل اللي ناوي يروح يسجل. ارفع ايديك ياه يبقى اخواني بازن الله موضوع التحفيظ بازن الله يعني عايزين نحافظ عليه زي عنيانا ان شاء الله. يعني من باب التكريم ورشة من الورش النسائية

اسمها ورش - 00:52:20

ام المؤمنين حفصة بنت عمر الصوامة القوامة. عاملين جدول محاسبة اسبوعي في الورشة. يعني بفضل منة الله ده جدول المحاسبة فالاسبوعي له ورشة من الورش النسائية. طبعاً انا بقول الكلام ده عشان الشباب في الورش الرجالية يغيروا شوية. وعشان رغم ان

النساء بدأوا بعدين - 00:52:40

الا ان هم سابقينا دلوقتي بفضل الله سبحانه وتعالى. وبدأوا يعملوا جداول تحفيز. وهبدأوا يعملوا حاجات جامدة جداً. ان شاء الله يا جماعة احنا هنعمل مسابقة لاقوى ورشة سواء على النت او في الرجال او في النساء او اقوى ورشة على المستويات كلها. فاحنا

عايزين اخوانا في الورش الرجالية يسخنوا ويبدأوا يعملوا مع بعض مشاريع - 00:53:00

ايمانية مش مشاريع اجتماعية او تعارف او حب بس يبقى فيه مشاريع ايمانية بازن الله سبحانه وتعالى. يبقى قلنا افتح لي قلبك يوم الاربع عند الشيخ احمد جلال في الصديق الغرفة الصوتية هبدأ آآ طريقة المحطات السبعة. تحفيز دليفرى عليها. اللي عايز يحفظ او

يحفظ يسجل. تحفيز الرجال في مسجد الصديق فكروا - 00:53:20

تحفيز النساء في الجمعية الشرعية هبدأ استقبال البنات الاخوات يبجوا يوم الحد واللاتين يسجلم يعملوا المقابلة الاولانية من الساعة عشرة الصبح للعصر ويوم التلات هبدأ التحفيز الفعلي بازن الله سبحانه وتعالى. ان شاء الله بازن الله من اول الجمعة الجاية

الجمعة الجاية - 00:53:40

هيبقى على طول قبل رجب واحد رجب بحوالي اربعة ايام. فالجمعة الجاية هيبقى فعليا مشاريع الاستعداد لرمضان هتبدأ بازن الله سبحانه وتعالى هتبدأ نغير مسار الدرس بازن الله بحيس ان ميت يوم الجايين يا رب يا رب ربنا القادر سبحانه وتعالى يبقوا كلهم

قرآن - 00:54:00

القرآن بازن الله سبحانه وتعالى. بحيس ان احنا نبدأ نتبنى بناء سليم في علاقتنا بالقرآن بازن الله سبحانه وتعالى بكل قوة وبكل تركيز يحفزكم وربنا يبارك فيكم. وربنا يسدكم. بنشكر دكتور احمد عبدالمنعم على هزه الاضافة. ربنا يبارك فيه. ابقوا معنا في الورش

- 00:54:20

والنسائية بعد الدرس بازن الله سبحانه وتعالى سبحانك اللهم وبحمدك اشهد ان لا اله الا انت استغفرك واتوب اليك - 00:54:40